



錫山遺響卷之四

楊廉使

名基字孟載號眉菴從丁彥誠游九歲能詩後寓吳門與高季迪張來儀徐幼文解四傑洪武初仕至山西按察廉使所著眉菴集

黃鶴樓看雪

黃鶴樓前水平岸春雪當空舞繚亂東風知有客登樓助以瑠瑤作奇觀昔人黃鶴去不回我騎白鳳橫江來遙看歷歷漢陽樹一色盡是梨花開人間何處稱奇絕百尺欄干滿江雪氣壓滕王閣上雲興高庾亮樓中月瀛洲只尺非難到鶴背琪花落紗帽載酒誰能問謫仙題詩未必無崔灑江山得此清無敵頃

刻銀蟾蕩瑤碧更着仙人紫綺裘卧聽呂巖吹鐵笛
雪中再登黃鶴樓

平生不願萬戶侯亦不願識韓荊州但願武昌連日
雪日：醉登黃鶴樓樓前絕景冠今古况有繽紛雪
花舞玉樹參差認漢陽瀛洲浩蕩迷鸚鵡江頭女兒
走欲顛謂我侶是騎鶴仙白雲飛盡黃鶴去此景不
見今千年我拍闌干為招手世上神仙亦何有桃李
非無頃刻老江湖盡是逡巡酒他日重來五百春樓
前花草一番新相逢不識純陽子何用重尋回道

巢雲詩為周孟聖賦

白雲無心本無住聊結雲巢與雲寓十年種得雲滿
山雲復留人雲不去以雲作巢雲未知雲為牕戶雲
梁楣巢中除雲一無有几席枕簟皆雲為人言我巢
雲一朵我非巢雲巢我是耶非耶何足云雲我我
雲無不可雲臺諸將千鍾祿萬里青雲電經目人生
富貴等浮雲何似巢雲數椽屋

江村雜興

江橋春別後沙舸獨歸時鵝鴨東西垞菰蒲遠近陂
藕深荷蓋晚竹瘦笋鞭遲野趣誰能識惟應白鷺知

又

江影搖春樹潮痕摺晚沙綠蘋三尺雨朱槿一籬花
去國仍思國還家復夢家自無干祿意何必遠京華

又

儀困非無舌顏貧尚有田病多賒藥券貧乏買山錢
白璧交徵日黃金寵賜年都將舊遊夢一笑白鷗邊

春日江村

雨：風：未肯晴百年時序逼清明花無桃李非春
色人有笙歌是太平黃鳥巧衝胡蝶過紫騮驕趁玉
驄行酒家不用逢人問高插荅枝作旆迎

初春

雪晴泥軟不生埃春水浮香欲上苔柳色嫩於鵝破
殼蘚痕斑似鹿辭胎踏青鞋鞞平頭製試暖衣裳稱
體裁安得草堂江浦上紫桃紅杏一齊開

病中

落梅風急晚蕭蕭病起愁驚雪盡消卮酒不添前日
量帶圍頻減舊時腰高樓錦瑟花連屋深巷珠簾柳
暎橋準擬青溪踏春草看他翡翠戲蘭苕
醉舞狂歌四十年老來添得小乘禪東風未濕牆腰
雪細雨微添石眼泉無數白鷗閒伴我一江春水碧
於天莫言笠澤非彭澤便擬金川是朝川

十四夜月

僊家玉斧斲猶偏天上瓊樓看欲全未滿固當勝既
滿已圓終不似將圓今宵對景人先醉明日成珠蚌
有緣惆悵吳宮與唐殿冷風魚鱗夜如年

十五夜月

龍宮浮出白蓮花海宇通明濕素霞珠箔有陰銀閣
冷玉盤無缺絳河斜十分夜色初開鏡多少離人正
憶家但舉觥籌行百罰莫聽更鼓疊三槌

十六夜月

已覺來遲未捲簾漸經樓閣照東簷清光念爾隨秋

減白髮怜余向曉添自對姮娥歌宛、誰教楊柳舞
纖、昇州憶似鄜州看香霧雲鬟倚翠奩

十七夜月

坐久繁星影漸虧也應天轉玉輪敬葵丘伯主初盟
後天寶君王欲倦時繞樹鵲驚霜落早吹簫入恨夜
眠遲不須戚、悲圓缺長使清光灑酒卮

無題用李商隱韻

一瓣芙蓉是采舟棹歌離思兩夷猶風鬟霧鬢遙相
憶月戶雲牕許暫留波冷綠塵羅襪曉恨添紅葉翠
顰秋雙鸞鏡裏瑤臺雪任是無情也上頭

細骨輕軀不耐風春來簾幙怕朝東人間玉宇三山
隔天上銀河一水通眉暈淺顰橫曉綠臉銷殘纈膩
春紅水絃莫奏清商曲滿地霜華泣翠蓬
纔向瑤臺覓舊踪曙鴉啼斷景陽鐘薄施朱粉粧偏
媚倒插花枝態更濃立近晚風迷蛺蝶坐臨秋水亂
芙蓉多情莫恨蓬山遠祇隔珠簾抵萬重

夜合花邊待月來宮車歷鹿響春雷笙調恨譜參差
度錦織愁紋宛轉回樓上綠珠知報主座中紅拂解
伶才傷清兩炬飛羅燭吹作銀荷葉上灰

為雨為雲事兩難蕙心蘭質易摧殘箏開錦柱秋長

斷漏滴水壺夜不乾羅幄有香鶯夢暖綺寮無月鴈
聲寒芙蓉一樹金塘外祇有芳薌獨自看

六言

長眉短睂柳葉深色淺色桃花小橋小店沽酒新火
新煙煮茶

桃花杏花紅白蒲葉芷葉參差飛高飛下蝴蝶行去
行來鷺鷥

觀剝棗

朱實離離雨更新行人敲剝走荆榛我來不敢臨風
食為憶當年種樹人

周正言

名衡字士平號玩易生洪武初邑庠訓導後膺薦特徵為右正言没于官

華孝子祠

憐君失怙早豈願孝名傳念父行時約終天恨莫湔
不婚甘獨處總角至稀年情比王裒慘清同靖節堅
高風千載下遺廟亂峰前涕淚枯蒼柏精誠格上天
殘碑文字古時祭子孫賢弔古重來此題詩一愴然

壽華東湖

桂花初發曉風前醉裏先生愈少年不用功名驚海
內只將山水入毫顛綵衣稱壽孫兼子黃髮題詩客
是仙誰道冷官豪氣索青錢換酒動成千

趙司訓

名次鈞字孟鴻號檝林病叟文敏公之從昆弟元季松江訓導

次韻朱彥昇見寄

耿二傷離居幽情日蕭索霜寒林木變石出溪水落
抱冲思寡儔同志念非昨援琴寫素懷值子在東郭

夜聞雨

高館夜聽雨愁抱正沉飄梧雜亂響洒竹肆繁音
所憂賦未輸復慮食所侵隴畝被黍稷高低仍浸淫
嗟貽下民虐何以回天心

莫助教

名士安字維恭號是菴由吳興居無錫洪武初仕至國子助教

真性海竹茶壚

一爐周繞護琅玕圓上方中量自寬水火相煎僧事
少槍旗無擾睡魔安煖紅炙汗枯霜節沸白澆花逗
月團留共梅窗清啜罷雪樓誰道酒杯寒

中秋留寓無錫有懷朱逢吉

去年此夕客同遊今度西風我獨留萬斛天香千斛
酒十分月色五分秋膠山雲嶼梁鴻宅笠澤煙波范
蠡舟惟有故園長在目望中綠樹幾汀洲

桃花塢在惠山

歲二桃老滿塢開花明偏映講經臺未愁紅雨催春
去要為金僊獻果來澗道東風非梓澤石城沉水侶

天台何當賸種瑤池核不用凡根取次栽

題顧指揮映雪觀書圖

凍雲如墨滿遙虛玉樹瓊崖遶葛廬最愛將軍勤武
事半窗雪影讀兵書

趙行恕名推字行恕幼有俊才

寄漆居恭

亭上觀書亭下游亭空林靜鳥聲幽溪山滿眼皆清
景歲月欺人易白頭半畝池塘芳草夢一簾風雨落
花愁暮雲飛處重回首目斷滄江第幾洲

甲辰元旦雪

爆竹聲殘夜向晨東風吹動玉街塵六花獻歲宜多
瑞萬象經年肇一新曙色已分天地曉陽和先到戶
庭春椒觴共祝豐登兆再拜堂前白髮親

次錢子正韻

屋漏牀牀尚未乾簷聲不斷溢清寒閑雲卷得天邊
去白水青山作畫看

呂教諭

名敏字志學號無碍居士
洪武間邑庠教諭有文集

寄高季迪

客館俯江郊秋深不自聊別來心更苦思去路還遙
桐葉風俱落菱花雨半銷何由侶流水早晚赴歸潮

題江臯秋霽圖

華月湛虛牖靈風洒幽砌蕭條林下居鳴琴偶相滯
人生如浮萍微踪宛成寄嘉會既靡常懽悵非易
鶴飛松杪秋星迴露華霽脉脉共忘言悠悠澹無寐

再寄高季迪

空谷白駒那可羈高踪祗欲慕天隨吳江日去應無
恙甫里春來定有詩花憶杏園携酒日雨思山館聽
鶯時去年亂裏從游處肯信于今又別離

強仲愉

名怡字仲愉

題鄒士則西爽軒

汲井事晨盥華軒肅且清敞扉面西麓衆峰何崢嶸
岩岫落櫺牖雲霞集簷楹鮮飈天際來輕嵐席上生
灑氣薄琴冊餘潤霑綉纓逍遙適意志因之怡逸情

徐仲剛

名元度次子字仲剛

寄安宏遠

碧桃有花開一枝折花爲唱青鸞詞青鸞在天月皎
皎美人借我瓊簫吹吹簫不管花自落落花滿院飛
騰脂騰脂飛來帶春雨正是與君相別時

朱彥吉

名祐字彥吉號如心翁彥昇之兄

雲山隱居

山鬱鬱兮環堵雲飄飄兮當戶松挺翠兮凌霄竹敲
金兮盈宇美一人兮隱其中書萬卷兮田年豐琴白
石兮茶清風景有限兮樂無窮子不舍兮能我容願
去俗兮來相從

李御史

名大椿字茂卿號雪溪漁隱洪武初膺薦爲監察御史

墓松旣成有感書事

鏡中雙鬢已成霜暗數流年七十強得遂買山終老
計種來松樹過人長

余九峯

名原字子温號九峯老樵工于詩有文集

南歸舟中作

客裏南歸日羈懷孰與論木蘭舟一葉桑落酒雙樽
野色和煙暝河流過雨渾家山無百里來往役吟魂

走馬燈

楮國城垣咫尺高中軍有警夜焚膏旌旗簸影聯戎
壘劍戟交光出虎牢逐電龍媒爭踴躍蒙煙雉堞達
週遭英雄報本分明見寸草心馳不憚勞

毬燈

筠裁骨骼巧玲瓏寸草光中幻化同龍甲片含天水
碧鮫綃影透海霞紅銀花燦動長空月寶帶交飄午
夜風瑞獸噴香珠翠遶分明人在水晶宮

寄彥衡弟時在京脩書館

侯尋雪滿顛慳囊不仗買山錢齋壚蔬食無兼
子大祗數椽孤陋豈能諧世態六藏聊復待
不元亨問何由得老眼時望日邊

邑富安人洪武間為
都綱有文集

憶忠定鄭魏王

前倚檻目上方樓閣在雲端荒墳虎葬唐僧
龍窺漢丹霜沼荷枯秋鏡淨風林松撼夜

濤安

四月苦

毋熟因憶和羹齒頰酸

道

通內外

洪武初以高僧乞還居嵩山

流亭

卷四

道人性沉靜置屋層巒間四欄山淥瀉萬壑松濤翻
清秋爽氣集落日衆鳥還過客坐來久愛此非塵寰

來月軒

明月不用招流輝射戶牖照見軒中人白髮垂過肘
心月兩亡監光境一何有坐久又西垂明夕還來不

錢脩撰

名允昇字仲益號錦樹山人洪武間邑庠訓導累遷漢府長史太常博士翰林修撰

蓬萊曉色奉令作

集有文

滄溟弱水浮蓬萊六鰲駕出通天臺金鷄初鳴海色

動紫霞散落浮雲開火輪水底忽飛出萬里寒波半
天赤遙看綵仗引群仙翳鳳驂鸞朝太乙珊瑚碧樹
交青葱宮樓傑閣空明中氛埃隔斷飛不到寶鈴夏
激流天風秦王漢武亦何故徐福未歸樂大去謾求
靈藥度長生風舟欲至終無路聖主開天當早朝天
關曉闢聞簫韶卿雲五色捧宸坐環珮鏘遺九霄
群玉峯巒間瑤草萬歲桃花青不老蓬萊始信在人
間何必求僊覓三島

廣寒宮奉令作

若有人兮控飛龍度銀漢兮遊月宮月中桂樹八千

尺天花萬斛飄香風瓊樓玉宇空中起貝闕珠宮瑩
秋水絳河流碧洗冰輪到眼山河清見底花邊美人
乘白鸞五銖衣薄雪肌寒夜深舞罷羽衣曲蟾蜍影
浸玻璃盤雪毛霜兔擎雙肘搗藥長年臨杵臼合成
一塊紫金霜獻與吾君祝長壽

送義門鄭尚書沂致仕歸金華

都門日出早啼鴉送客江亭踏軟沙白首拜恩辭玉
陛錦衣歸老向金華省中舊識尚書履海外咸知義
士家料得到鄉春正好東風開遍碧桃花

送人復任温州府同知

鴈蕩雲銷曙色開山氓爭拜使君來王祥自是三公
器龐統端非百里才雉關九重懷象魏鰲峯咫尺望
蓬萊聖朝已絕黃柑貢好待春來繞郡栽

送曾知州復任還歸州

空江潮上客帆開報政新從闕下迴御劄已書盧奩
最州民爭望鄧侯來猿聲夜落夷陵峽鴈影秋橫灩
澦堆歸到永安須弔古杜鵑啼處有荒臺

送王府丞之雲南布政

當宁憂勤念遠人出臨方岳選廷臣聖朝有道華夷
洽造化無私雨露均通籍舊爲金馬客安邊那事碧

雞神滇陽莫道天涯遠桃李東風一樣春

朱教諭

名昇字彥昇號九峯樵者洪武間仕至上虞教諭所著有九峯樵唱

擬古

驅車出郭門行將萬里別去涉長道嚴冬犯霜雪
長道陜且危北胡南入越不惜良會晚所嗟音問缺
浮雲蔽大荒朔風起無時罕居易成感况乃久別離
流水向東傾歸鴻背南飛一心抱冰玉歲寒以為期

又

高樓何巍巍春風亦靡靡此時樓中女芳年比桃李
今德自清揚不在施羅綺鳴琴發衣彈音響傳宮徵

一寫離恨情曲終難自已

又

霜露悴百草蟋蟀鳴聲悲朔風寒氣厲良人久無衣
時服委深篋路遠難致之仰視投林翮還依故巢飛
物性有如此念君歸無期矧當苦寒節坐傷音問違

懷張惟中

涼風依節至時促知歲易寢迹長林下靜觀心已寂
閑苔網青軒流塵生几席馳情屬所思仰視秋雲碧

望夫石

山日照離顏望夫上青山青山日將晚行人去不返

望、無休息長江浪花白卻將望夫身化作山頭石
夫歸莫恠無粧束年、春雨苔衣綠

梧竹圖

夜雨晴梢重晨陽露葉稀深林春欲暮新綠上人衣

題畫扇

月下瓊瑤風前翡翠釵九疑看欲暮玉露濕秋階

重陽追和張飛卿詩韻

四海風塵酒一罇壯心直節老仍存臨危請命王師

日身後誰將往事論

吳元年大軍至無錫飛卿率諸父老詣軍門請命民賴以全

昔曾把菊共開尊醉筆縱橫墨尚存風雨閉門重九

過此生懷抱向誰論

浦古民

名坦字濟之號古民有文集

華康伯山水

東湖先生高且間筆底造化成江山春風吹林破新
綠樹杪雨歇飛潺湲江光閃、爍霞赤沙鳥離、度
溪夕宛然雞犬隔前村疑有當年避秦客水亭春還
花正香漁翁釣拂青絲長江山崢嶸一旦來草堂自
此生輝光

錫山遺響卷之五

翟教授

名弘字弘道號鈍軒洪武間仕至寧府教授

借達善以忠夜過東林精舍訪俞朝宗得江字

塵踪諒難會清夜過禪窗題詩厠群彥才踈心愈降

微雲歛高木孤月湛長江何由屏煩慮共訪鹿門龐

望金山

大江浮玉碧崔嵬中截洪流四面開萬里孤根連灩澦

瀕一峯秋色接蓬萊雲遮塔影天中見月滿潮聲樹

杪迴不用登臨重回首老龍吟處且啣杯

浦舍人

名源字長源號東海生晉府引禮舍人所著有浦舍人集

感興

有物天地間至剛不可屈
歐冶昔鑄成千載復湮沒
飛光射斗牛乃是蛟龍質
吁嗟物雖神尚遭衆所忽
向非張茂先卒爲土中物

宮詞

雀噪長門駕少來
玉階金井上青苔
百花栽遍闌干外
只待春風一夜回

題宣和御屏趙昌畫牡丹

綠蕪春雨洛陽城
不見名花國已傾
影落画屏何處
物斷金殘粉故宫情

弔蘇長公墓

玉堂歸去荆溪上
以蜀名山欲不磨
今日我來空嘆
息當年公死竟如何
一生忠節黃州雪
萬斛詞源錦水波
手寫斬蛟碑尚在
鄉人打賣幾摩挲

林七員外園亭夜集得河字

都亭分袂惜蹉跎
此夕相逢奈若何
細雨疎燈聞落
葉斷雲高樹見
明河客蹤迢遞天
邊鴈歸夢微茫海
上波鞍馬朝來又
成別且傾尊酒一
狂歌

送鄒維德之茶陵

出門黃葉舞秋風
鞍馬蕭蕭逐塞鴻
吟過幾州山色

裏夢回孤館雨聲中平生自得多知己歲晚誰怜獨
轉蓬何日還鄉重携手春城酤酒看花紅

次韻感懷贈翟弘道

別君無處覓君歡獨坐燈前把劍看空館荒雞愁夜
未斃裘羸馬怯春寒疎鐘迢遞江城外殘月依微嶺
樹端亂後還鄉重惆悵相逢誰敢問平安

送張漢臣之茶陵

船逐江流日夜行雲陽山近到孤城春酤處桃花
酒野飯家竹筍羹客久自能防瘴氣吏深多解識
邊情湘潭煙雨空愁思回首東吳萬里程

寄袁二

安林年少羽林郎騎射唯能事武皇弓影醉開孤月
滿刀頭新買百金粧聽雞曉闕疎星白走馬春郊細
柳黃應慕玉門關外去請纓生繫楚賢王

曹司訓

名恕字以忠號植
梧嘗為漳學訓導

漫興

釣有清溪採有山市聲渾不到柴關桃花水滿鷗常
近松塢雲深鶴未還睡起滄浪聞款乃吟行曲磻弄
潺湲綠知靜裏乾坤別不屬勞生擾之間

周南齋

名理字彥復號南齋與兄彥
質弟彥平彥中皆有文學

懷彥中弟

殊方忽二歲將闌一榻清燈把劍看遼海月明風浩
浩江鄉鴈度水漫生涯自愧於吾拙離別那堪見
汝難寂寞西軒一樽酒梅花開盡雨聲寒

周紀善

名衡字彥平洪武間
仕至王府紀善

洞庭秋月圖

昔年曾泛洞庭船湖上高樓倚翠煙萬頃碧波秋漱
灑一天明月夜嬋娟冥冥楚樹猿聲寂肅肅湘雲鴈
影聯憶自別來今幾載畫圖風物尚依然

秋日寫懷

高卧空山嬾侶雲不知秋色變川原只隨風物成詩
句寧有功名入夢魂紅葉漸稀江上路青山遙映水
西門幾人亂後逢重九莫向花前惜酒尊

周經歷

名權字彥中洪武
間仕至廣平經歷

浴罷

浴罷暑氣薄獨坐脩竹傍歸鳥寂無聲飛螢亂流光
心空物慮遠目靜天地涼長笑人不知松風滿衣裳

寄吳彥章都事

相別無多日相思侶有年容顏秋後草懷抱雨中煙
親老那禁病囊空欲賣船憑誰話衷曲日苦春幾悽然

次龍江

卷五

歸鴈三春日輕舟一羽毛江清鼉窟見山近鳳臺高
漂泊無留恨明良不易遭固窮予素志聞命豈辭勞

熙書記

名厚字本明號西澗老樵信安郡王孟心
之裔嘗為徑山書記晚歸惠山有詩集

澹泊軒

阿師澹泊異常人樂止斯軒豈患貧白拂懶揮床角

掛金文閣閱茶頭陳鶴因煮石鳴應喜龍為軒象卧

恐填卻笑黃麻素佳客終朝門外開蹄輪

王學士名道字道善號耐軒又号天游道者家樂
林傳讀學士外著有天游集

知音難

我有一曲琴袖手不敢彈我有三尺劍深藏不忍看
劍鋒非不利琴徽非不完我欲持贈人所恨知音難
有時燈下一偷視涕淚迸出如驚湍蛇紋縱橫土荅
碎風雨滿堂生夜寒琴不鳴吾所耻曾入簫韶五音
裏劍不用吾所悲曾輔劉郎作天子寥々二物俱可
憐千金重價輕如紙眼高四海難與言鍾期已逝雷
煥死今年偶從浙水遊二物件我干諸侯相逢錢黃
二夫子酌我美酒登高樓錢公本是金門客雪花滿
頭雙眼碧袖中五色之雄文四海九州聲藉々黃公
亦是神仙流玉骨聳寒高七尺座間論議若懸河一

卷五

五

管春秋仲尼筆文以配我琴花底噫雙鳳吟筆以
配我劍三尺清水吐秋談天生二老真可人舉世欲
擬嗟無倫我生疎狂不自計醉來笑落頭上巾况有
芝山趙高士直把群經究終始同來此地十日留滿
榻清風淨如洗四人相逢非偶然白鴈叫破西湖天
忘年亦復忘爾汝遠山一髮橫秋煙琴一曲爲君鼓
劍三尺爲君舞江空雲開月輪吐世上知音不易求
一片丹心照千古

王孟端春流出峽圖

萬古山川一鏡開層之曲之見樓臺雲隨曉月峯前

墮鷓逐春谿樹裏來兩岸落花人蕩槳半汀殘雨客
斲杯寰區何處有此地物外四時無點埃豈但右軍
多筆法要知黃石是仙才奔灘觸浪飛頰鯉絕壁疑
嵐護翠苔玉室金堂疑太華紫芝瑤草憶蓬萊相看
六月不知暑一榻清風真快哉

梁溪

微波皺綠迴輕風溪流直與南湖通人家兩岸幾興
廢鷗影蕭々夕照中孤橈欲發臨溪口澹煙寂歷明
疎洲々落正愁人鐘鳴况是僧歸後芙蓉隔溪
十里多白雲滿牕生薜蘿櫓聲咿嘍剪寒月去其

如離思何

龍山

碧雲繚繞城西路山如遊龍勢環護秋高影落夕陽
溪雨歇青聯黃葉渡東南寂見孤峯萬古對立開
芙蓉天清露白月滿地隔水相聞惟暮鐘

二泉

九龍峰前有流水一線冷出雲裏夜聞繞竹瀉孤
琴曉汲和秋漱寒齒廬山瀑布誰品題天下至今名
共馳林間野客煎茶處石上窮猿照影時師今持鉢
來相啜湛無痕暝孤月與師且滌曾中塵明朝草

向城南別

塔影

星河拂曙鐘初定平湖水碧天開鏡青山孤塔勢凌
寒影入平湖鏡裏看沙明宛若長虹卧一鴈斜飛驚
欲墮朱欄曲氣層蒼茫何處覓殘僧晚來記得
漁郎話風雪鮫人夜試燈

金蓮池

方池水綠魚翻藻翠葉田田露華曉花開萬孕出金
蓮玉潤朱欄互相繞僧言此花天下無宛如明燈燦
蓬壺山中五月簫鼓寂並倚薰風成畫圖

李紳讀書臺

元和有客耽經史黑髮脩眉稱短李當時寂寞此山中
中白日看雲空隱几一朝起占玉堂春三俊名高人
所珍平生威烈尚奇操歷仕五朝才獨伸紫薇竟冷
三更月千載名高今尚說白雲依舊衆山青山亦因
茲重得名若使當時終失意世間誰識青雲器

芙蓉山

蘿龕寂煙霞裏今日思歸歛然起城北諸峯誰可
人一朶芙蓉隔秋水隔秋水又離群磬聲敲落峰頭
雲此峯獨立情無語清霜黃葉徒紛紛廬山東南有

五老共得佳名在塵表閉門花雨鶴鳴時定回月落
孤燈曉

黃歇廟

昔年封邑來江東意氣傾奪何其雄今朝送客過祠
下感慨令人愁萬重頽垣敗壁鳴寒鼠千載寥寥竟
無主片言曾見服強秦一計那知失於楚古來辯士
多殺身用智得愚良苦辛三十珠履今安在門外青
山解笑人

太湖

吳越當年曾樹怨百萬旌旗此中戰波濤聞與血同

流千古濤聲今尚愁朝來送客過湖口煙水微茫風
滿舟湖南湖北今同宇吳越英雄在何許孤鴻杳
獨山雲落葉蕭洞庭雨一聲長笛又分携君往湖
東我往西感慨贈君無限意楓林寒隔暝猿啼

次翟弘道寫懷韻

幾度憑高望長江隔翠巒交情貧後見人事靜中看
雨久琴絲潤松深鶴夢寒淹留是清興也覺勝無官

又

在家常見面別後跡如僧影隔路千里心懸山萬層
愁多渾似病行僻轉無能誰是相知者秋堂夜半燈

寄弘道

有客久不見別來空自愁雨牕難共話花館憶同遊
故舊總凋落詩篇誰倡酬幾番風雨夜飛夢過西州

贈葉怡仲

幾年臺閣舊曾聞千古班揚喜復存花裏朝天趨玉
陛月中聽漏出金門清時久擅南宮樂後輩俱瞻北
斗尊對酒樽前莫辭醉驛樓風雨正黃昏

牡丹

對客評花酒謾斟花前停筆費沉吟風寒翠幄春寒
嫩露染紅綃曙色深造化栽培知有意平生富貴出

無心開遲免得群芳妬一片晴霞破綠陰

韓信祠

漢楚爭雄勢不開將軍一出楚成灰功高政是憂虞日肯與陳侯握手來

留侯廟

圯橋一策最云奇此意冥冥若箇知自是報韓閒不得本無心作帝王師

黃金臺

樂毅真為絕世才笑談曾此上高臺黃金不是招賢物自為君王敬客來

間進士任監

葛御史

名桓字仲威號秉節生察御史署福建按察使

林亭讀書圖

巖、松下石冷、澗中水翼、幽人居寂、衆山裏
閑亭藹空翠讀書味玄理荷鉏時斲苓緣流或采杞
感茲塵外踪興懷浩難弭

顧秋碧

名協字允迪號秋碧所著有鳴志集

次葛御史雜韻

口誦歸來辭閒登翠微嶺佳木蔭清流幽懷坐來靜
便欲結茅茨悠、遠入境
山含太古青鳥侶屏中度適意一登臨望見湖邊路

卷五
十
俯景發長吟千峯已云暮

寄王孟端

百年猶未半已負百年憂
失意籠中鶴忘機海上鷗
柳迷春水寺山帶夕陽樓
安得王摩詰題詩慰別愁

白馬篇

白馬何翩翩驕嘶洛陽道
玉鞭弄春風金鞍照芳草
借問誰家美少年綉衣騎過瓊樓前
垂楊百尺裊絲鞚落花萬點迷錦韉
由來不識沙場苦只解通衢列
朱戶塞馬曾無芻豆恩汗血年
拓疆土

行路難

鳥道狹且危羊腸細而曲
長安大道如掌平紛冠蓋相馳逐
一朝豺虎恣縱橫秋風滿道無人行
驅車我欲向西去落日曠野無州城
行路難一何苦前有豺後有虎
人間大道不可行鳥道羊腸何足數

貧女吟

有女顏如玉生長在蓬屋
雖云絕世姿身命無粧束
年過二十未許人含羞背立東風春
年養蠶空紡績寸縷那能上妾身
妾應自惜蛾眉好常恐婚姻成
草草若教嫁與輕薄兒不如貧賤家中老
君不見西鄰女兒衣滿箱自從嫁去無容光

秋思

江城木落景蕭然萬井依微起暮煙父老未忘離亂
事兒童將見太平年幾聲殘杵敲寒月一點孤鴻度
遠天自是往來人易老青山依舊白雲連

送人自姑蘇還戍贛州

仗劍遨遊不計年貂裘零落馬蹄穿三千客裏推毛
遂十萬兵前謁謝玄庾嶺南來梅帶雪楚江西去水
連天相逢好買閻門酒共醉楓橋月下船

中秋席上同王達善看月

桂花枝上月團圓萬里無雲玉宇寬影入冰壺秋見

底光涵銀闕夜生寒兩年把酒同君賞半夜登樓獨
自看醉索紫簫吹一曲不知風露逼衣冠

秋夜與鄭玄齡話別

相逢兩意各悽然彼此行藏異昔年夜雨滴殘鄉土
夢秋風吹上孝廉船五更月落星連地一夕蛩吟露
滿天此別未期何處會更憐心曲對牀眠

殷弘道貧樂窩

自從頭戴鹿皮冠贏得餘生夢寐安菜粥儘稀元有
味麻衣雖破不知寒一壺濁酒花前醉半卷殘書枕
上看多少長安名利客五更風雪上征鞍

題潘克誠山水圖

一片溪山對草堂箇中誰識有韓康打巾松子晚風
細撲面杏花春雨香移燭夜牕焚舊券捲簾晴几著
新方待君鼎內黃芽熟得、抱琴來藥房

錫山遺響卷之五

錫山遺響卷之六

倪給事

名俊字克明一
洪武間仕

字維岳號寄道
兵科都給事中

占城風俗謠四十四韻

細話占城景諸賢試一聽
山園數百里海隔幾千程
東北連交廣西南接杏宜
殷勤詢地理僻陋缺圖經
衆語訛難曉相傳偽莫徵
且粗因所見聊復記茲行
望極天疑遠瞻星斗正橫
三冬無雪霰四季足炎蒸
屋宇編茅蓋城垣壘石成
雜花常吐艷衆樹日爭榮
水有鱷魚暴林無喜鵲鳴
果推蕉子美菜茹水芹馨
奇異波羅蜜酸甜野菓萌
山果禽惟珍孔雀鳥不見

黃鶯寒落逾孤墅荒涼若遠坳象犀元所產虎豹舊
俱生風氣應殊別時光竟莫憑仲春猶蟋蟀正月尚
流螢村市無三老晨昏打八更迂疎人懶拙獷戾自
驕矜男女奚分別相呼只喫名蓬頭仍跣足裸體不
潛形箍腦交樟薄圍身布幔輕舉家無椅卓比屋不
簾屏砂米全粗糲羔魚極臭腥饌紅多集蚋盤黑盡
飛蠅肉類惟燒炙牲牢不煮烹檳榔盛漆合糟酒釀
甕瓶飲食無煩筋舟船不用釘差徭男女應買賣室
家評下拜身俱直相尊手合擎侏離尤安誕狙狡少
真誠酋長的哥號番王字弄稱衣裳多尚白旂旆成

爲楨鄙陋誇奇術狎獍用酷刑黃牛尊祖禰花幔綉
精靈自謂工奇絕那知醜靈呈我來宣德澤渠頗炫
才能大論君臣禮重敷天地情群黎皆鼓舞一國動
歡聲便擬移風俗須令享太平遐方尊教化世々仰

皇明

秋日

遠客傷秋思虛堂獨掩扉牆陰鳴落葉窗隙漏斜暉
感物題新句尋人補舊衣因思遽伯玉點檢昔年非
懷黃致遠給事中使迤西

星軺西上路漫、雲暗驚砂玉帳寒使節慣持能自

重君恩深沐肯辭難山連磧石黃河遠馬出陽關紫
塞寬威德誕敷羌虜悅歸來依舊侍金鑾

送沈員外還京

粵江風急片帆輕一曲驪歌動別情君着錦衣歸上
國我持玉節下占城船離漳海潮初起馬過梅關雪
正晴若見南京朋舊問為言終不負平生

別占城

奉使占城四月留今朝策馬欲登舟風傳鼓角殘雲
捲日映旌旗宿霧收馬援不來人盡仰飛鸞歸去若
為儔明年金闕朝元日還造鵷行拜冕旒

真性海

號松菴善吟
味住惠山寺

二泉寺退歸聽松菴和王學士見寄

泉上歸來已一年萬松陰裏屋三椽坐殘白日渾無
事買斷清風不費錢猿墮山崖尋果樹鶴穿林徑避
茶煙王猷識我平生意時寄新詩一兩篇

王中書

名紱字孟端號友石生有節操善書
畫求樂間仕至中書舍人有文集

端午賜觀騎射擊毬侍燕

葵榴花開蒲艾香都城佳節逢端陽龍舟競渡不足
尚詔令禁禦開毬場毬場新開向東苑一望晴煙綠
莎軟萬馬騫騰鼓吹喧五雲繚繞旌旗展羽林年少

白綸巾秀眉豐臉如神人錦袍窄袖巧粧束金鞍寶
勒紅纓新紛紜來往尤迅速馬上時看藏馬腹背挽
雕弓金鏃鳴一箭柔條碎新綠忽聞有詔命分朋球
先到手人誇能馬蹄四合雲霧集驪珠落地蛟龍爭
彩色毬門不盈尺巧中由來如破的剗然一擊電光
飛平地風雲轟霹靂不知何以能爾為慣曾夷虜張
天威鬼神變化妙莫測此技乃知聊爾嬉聖心舉此
重閣武逸不忘勞在戎伍帑幣鮮華夾道陳馳騁許
教便捷取自矜得雋意氣粗萬夫誇羨聲喧呼撻金
伐鼓助喜色共言此樂人間無鑾輿臨幸天顏喜醮
賦萬歲千秋頌太平

寫葡萄贈別夏叔度

我生負氣尤好奇襟懷抑寒蟠蛟螭屢遭屈折莫我
知向人委順長低垂偶爾逢君雪洲上酌我涼州寄
來釀醉傾墨汁為君塗一吐胸中氣千丈維時雨歇
涼風生薄陰零亂縱復橫螫龍蛻骨冷雲濕驪珠出
海秋蟾明坐間觀者皆驚訝何由寶帳人間掛恐令
痴眼起貪心主者收藏始知畫知我如君能有幾此

術聊將游戲耳白鷗湖海一身輕長揖謝君吾去矣
張思安求寫竹枝

生也纔弱齡骨氣已拔俗青衿三尺強對客瑩如玉
頗亦好清事揖我求寫竹我方困塵途懷抱苦煩燠
翰墨交久違硯破筆已秃憐渠意甚勤聊為寫新綠
生能會我心進益必宜篤切嗟與琢磨更請歌淇澳

送陳尚書洽重赴交趾安撫

炎荒萬里喜班師又奉綸音向闕辭蠻地既平為郡
縣聖心尤欲撫創痍山川瘴盡風霆肅雨露恩深草
木滋遙想旌旄重到日姓名先慰遠人思

和曾學士啓禁中聞鶯韻

綠陰疎雨澹朝霞紫禁啼鶯競物華聲度簫韶偏宛
轉地臨霄漢絕喧譁纔穿瑣闥千條柳又隔薇垣萬
樹花佳唱寄來難卽和只愁貽笑大方家

釣詩鈞

好句如璜得者難江天佳趣浩漫長吟對酒初投
餌小立支筇勝把竿興逐白鷗揮彩筆思牽華藻出
層瀾只今湖海多風雅不獨名高七里灘

煨詩爐

物情為炭趣為銅始信經營意匠工光燄騰衝天上

下詞鋒淬就劍雌雄推敲句法從精鍊陶冶心靈入
混融雅頌百篇存古製定將橐籥鼓淳風

送楊德昂

溪口停橈別故人臨行不覺淚沾巾一身囊橐親同
旅滿眼松楸託近鄰蠻洞曉雲晴復雨瘴鄉冬日暖
如春于今聖主多恩澤久屈應知漸可伸

耳聾自嘲

自喜從今不畏雷是非無較轉痴呆心情要與分明
解指掌從教點畫來每事應酬將意測平時呼喚肯
頭回倘逢生客初相訪未及交談便指腮

題真上人竹茶爐

僧館高閑事幽竹編茶竈淪清流氣蒸陽羨三春
雨聲帶湘江兩岸秋玉曰夜敲蒼雪冷翠甌晴泛碧
雲稠禪翁托此重開社若箇知心是趙州

陸雪樵

紹字繼宗號雪樵元
制以道之世孫也

戲作高低田歌

高田低田地相軸高者先黃低尚綠蒼天六月雨滂
沆高者愛之低不欲低田恐禾死高田喜禾熟固知
天意本自然何事人心有翻覆高田慎勿笑低田三
時無雨高田哭

陳樵隱

名希魯字師曾號樵隱
肖梅先生之世孫也

卽事 正旦作

去歲茲辰綵袖歡高堂兒女慶團圓
釵頭綵勝翻春燕鏡裏紅顏破曉驚
萬事傷心兵火熾五更歸夢草堂寒
孤城此日堪腸斷愁折梅花帶雪看

茹壽光

名宏字仲洪號倥侗子永
樂初以能書舉任壽光丞

竹枝詞

妾心如水流西郎向蕭關意莫疑
肯學楊花無定性隨風飛去卽沾泥

朱靜邊

名夏字時伯號靜邊彥
昇長子所著有靜邊集

擬古四首

淒淒重淒淒一東復一西
良人往南越妾身仍在齊
堂上有舅姑應門無健兒
涼飈振庭樹有怨終難題
青年不覺老玄鬢忽已皓
相思隔千里鱗鴻杳難到
沉：良夜永啞：慈鳥叫君當盡忠孝
妾持金石操

又

驅車出城北歧路分東西
西通長安道東接大海涯
視彼榮達士白馬黃金羈
洋：奮豪毅緩策坦且夷
豈知驅馳者徒步筋力疲
清風夜露寒白日僮僕饑
行：涉艱險山谷愁攀躋
途遙阻輪轂安得順所之

回首盼故鄉遠在天一隅衣穿慈母線定省終無期
又

日出扶桑東日入虞淵西驅馳道傍子歲久寒無衣
矧茲榮華士駟車驚里閭貴賤分已定窮達命已殊
俯仰天地間今古同一時

又

團圓天上月冷澗邊水切朱絃琴皎青樓女
盈桃李顏脉無一語相去日已多相思愁幾許
夫婿遠別離行勿疑阻

胡蝶辭

東家花正開胡蝶翩翩來西家花已墜胡蝶翩翩去
不復西家惟願多繁華易消歇便覺人心別
曉懷

鷄鳴催曙光春至夜偏短孤枕老無寐慣聞殘漏斷
攬衣自晨興兀坐空館朝來微雨過碧草看漸滿
知心諒難遇音曠琴微緩

聖人出

聖人出海宇清四夷賓服稱文明群氛辟易韜陰靈
萬方黎庶歌昇平才華萃俱豪英多士濟來神
京三公位定分九卿尊卑爵祿施恩榮森階下趨

冠纓赫々朝陽。鳳鳴紫鳳鳴九歌奏萬歲千秋聖
人壽厚德無疆同載覆聖人出頒寶曆乘六龍開化
日太極中間建皇極

宛轉歌

月白風清天宇寬美人翫月凭闌干多情一曲歌宛
轉驚迴枕上孤栖鸞孤栖鸞愁不寐悠悠竟夢知何
處蒼梧路遠不得歸化作斷雲巫峽去

有所思

去年在臨安今年在長安思君不可見鏡裏栖孤鸞
孤鸞鏡裏常相守君在長安戀蒼柳君情逐絮妾自

知妾心匪石君知否

武陵深行

武陵溪水深行人不敢臨溪水深侶并射工射人影
武陵溪路狹來往傷行客丹蛇長百尋毒口多噬人
武陵溪武陵溪野鳥不敢飛蛟龍不敢棲人生莫向
武陵去海氣連天罩溪水

朱樵胤

名旦字時仲號樵胤彥昇次子

寒食客中思親

一瓶寒食酒携得上墳不有淚客邊墮無情花外遊
紙灰兼蝶戲榆莢惹人愁苦歎重泉隔親顏何處求

楊宗仁 名仁字宗仁世孫

遣興喜王長史至

願返屠羊肆虛名奈若何
春晴鶯語滑暮雨客愁多
死地超生地詩魔勝睡魔
喜君相枉顧重詠隰桑歌

錫山遺響卷之六

錫山遺響卷之七

後學滎陽潘緒繼芳編

俞一瓢 名海字朝宗號一瓢集

與曹以忠王達善翟弘道雨齋清宴

清秋已云半高齋盍華簪
微雨來東軒坐客散煩襟
芳筵列尊俎雄辯雜古今
安得今夜月繼之以長吟

周彥復梅枝杖

孤根稜如削鐵庾嶺多年歷
冰雪入手摩挲自可
人淨色寒香兩奇絕
七尺齊眉古制存
青藜赤藤何足論
便當高挑百錢去
與君夜扣酒家門

秦抱拙

名樸字物初號抱拙邑之胡埭人

訪華賓暘

憶昔經過日蹉跎已十年青山不改色白髮總盈顛
話舊渾疑夢論心弗愧天相忘留夜宿明月向人圓

沈存耕

名睿字誠甫號存耕所著有東郊吟唱集

同徐孟諄遊惠山

春風吹我步煙霞路入蒼苔一徑斜新綠漫添平岸
水濕紅輕送過牆花勞塵世尋常事隱煙村四五家
物理細推行樂好莫從愁裏過年華

過莫順昌南塘隱居因觀其所畫壁

築得幽居枕小塘外栽脩竹裏爲房常如李愿藏身
穩不學蘇秦掉舌忙細草茁芽將變綠子賦交翅漸
除黃往來容我林泉叟盡日論懷兩意忘
軒居清絕水南塘左翼常開款客房畫裡卧遊山水
樂耳邊嫌說世途忙甕醅過臘還浮綠蔕橘經霜正
染黃沉醉懶尋歸路去主人情誼自難忘

潘松丘

名晦字韞輝號松丘仁仲之孫

秋感

湛露下百草衆葉日以凋西齋絕塵蹟叢篁自蕭
涼飈闖然來紈扇不復搖黃鵠亦乘時翱翔在層霄

美人隔湘浦望、不可招我欲從之遊江水一何遙

李確軒名幾字桓仲號確軒

過潘韞輝東園

為愛東園好春來事、宜藥名人不識花信蝶先知
晉帖臨青李商歌詠紫芝小車乘興往何必訂幽期

陳進之風雨竹圖

一枝臨水翠蕭颯雨、風、總是秋記得短篷江上

宿夜寒無奈玉龍愁

張憲副名思安字克讓號介軒永樂壬辰進士累官陝西按察司副使

題瀟湘圖

三湘曾遍歷山色翠嵯峨江上車塵少雲中梵宇多

危橋人懶渡小艇客頻過白首歸來後披圖賦短歌

寄沈誠甫兼東澤源禪師

春山雨後共誰登酒興詩豪老更增明日杖藜尋惠
麓白雲深處有高僧

馮教諭名善字擇賢號戒軒膺薦官至望江縣教諭所著有家禮易覽

渡揚子江

軟風渾不起狂瀾曉發歸舟出柳灣青草渡頭春雨
歇白鷗沙上早潮還半濃半淡煙中樹乍有乍無天
際山極目蒼茫餘萬頃一帆飛渡片時間

茹養愚

名湜字季清號養愚所著有小膚集

虞虞歌

昔日與君相別時
炊虞虞兮烹伏雌
妾為澣婦君作相
妾歌虞虞君不向
君今富貴忘賤貧
五羊之皮何足珍

楊白花

楊白花身輕不由已
一夕長風生飄飄
渡江水江南處
好繁華悠揚落地知
誰家知誰家不復歸
求巷春深入跡稀
悲歌連臂空腸斷
回首長秋鴉亂飛

君馬篇

君馬紫叱撥臣馬黃
的盧君着錦韉韜臣着貂襜褕
鞞納呱哇鎖韞廚金僕姑君
嗃晉爨與楚僭臣嗃宋
狔并韓獹晨粧出門天
喻色人馬驅馳聲辟易
人力壯健馬力強
一鞭飛渡交河北
臣穀烏號弓君拔七
寶刀弱胡望風咸遁
逃黃獺白狼交中矢
跣墮飛翼紛如毛
浮沙迷漫日欲沒
策馬歸來汗如血
劍尖燒肉醉百觴
共卧攬綸半床月

李慎軒

名戩字祺仲號慎軒

源師棲雲庵

一片閒雲嬾作霖
悠悠偏契老禪心
袈裟掛影晴猶

濕篤耨熏爐氣自沉出岫不隨飛錫遠護關長是住
山深我來欲借猊牀卧只尺西岩杳莫尋

吳復民

名謙字伯禮號復民所著有詩文集

嶺表寄益節二弟

一別鄉園十載過天涯回首意如何千金古物青萍
在萬種新愁白髮多望眼每瞻吳苑樹歸心遙寄洞
庭波幾時得遂為農樂風雨鄰庄借笠蓑

寬雪還鄉重遊惠山

一劍新從萬里還偷生已過鬼門關身離桂嶺雲千
疊跡寄梁溪屋半間聖世幸全終隱計人生難得老

來間春風陸羽祠前路笑汲清泉洗瘴顏

安遠侯柳公溥挽章

一夜前軍隕大星元戎夢躡鳳凰翎遠夷震駭連邊
鄙卹典優崇出內廷麟閣英姿圖颯爽龍泉光彩闕
精靈十年帳下叨恩渥矯首湘南涕泪零

錦江舫為成僉憲賦

新築齋居類野航向來危險未能忘江湖心共盟鷗
遠霄漢身隨退鷁藏熟睡不須憂灑瀕安居無復上
瞿塘夢中幾欲寤詩史萬里橋西覓草堂

余拙逸

名睦字民用號拙逸生所著有蛙鳴稿

華山畿

華山畿事可悲華山之女歌有辭儂昔見君。有思君為儂死儂不知華山畿心相繫心繫不因生死異牛車載柩過儂里牛不前行車即止華山畿良可哀君死儂生奚可哉願言玉匣為儂開與君一處埋蒿萊華山畿歌欲絕此情此恨憑誰說歌不成聲。哽咽聞之使人腸欲裂

生別離

死別離良可傷生別離欲斷腸天降割兮良人亡家壁立兮空橐囊匪棺槨兮曷以藏意躊躇兮心徬徨

棄溝壑兮非所宜割恩情兮粥吾兒兒之粥兮母之不慈父無託兮兒豈不知兒別母兮雙淚漣母哭子呼蒼天一去他鄉兮一歸九泉生離死別兮孰我

成僉憲

名始終字敬之號澹菴正統己未進士累官湖廣按察司僉事所著有澹菴集

陌上桑

邯鄲女兒十七八采桑盈。向南陌露裳雲髻明珠環蕙心蘭質芙蓉色桑間不幸逢使君使君何愚問妾身妾身自有夫婿在空使白璧埋緇塵妾家夫婿中郎貴黃金絡馬璫為珮使君使君須改圖鴛鴦何

曾匹野鳧

紫駟馬

紫駟馬嘶且驕碧玉轡黃金鑣少年騎馬從行伍逸
氣不減丁都護十五離鄉八十餘願得投身報明主

蘿溪草堂為聶大年題

結得滄洲屋數間水村沙嶼對柴關隔花幽鳥啼春
晚不雨晴雲伴鶴閒兩浙宦遊新白髮十年鄉夢舊
青山草堂叢桂蘿溪月詞客天涯惜未還

春懷寄景易景美

池館新晴雪盡消尋芳時過赤闌橋一番風色傳花

信二月春光上柳條富貴倘來方夢破功名提起暗
魂消葑溪真隱心長慕不寄詩筒慰寂寥

過浣花草堂

浣花溪水接滄浪遠覓遺踪過草堂志在經綸無相
位道窮天地有文章百年為客真堪嘆一飯懷君肯
暫忘節度旌旄今不見清江樹裏自斜曷

陳工部

名勉字進之號秋林由太學生歷官南京
工部員外郎所著有秋林集善書尤善寫
山水松竹

過江

揚舲曉度大江潯江水滔々自古今野草不關興廢

事間鷗應笑利名心海門風起潮聲急沙嶼雲橫鴈影沉
翹首故園三日路且謀樽酒破愁吟

京邸寫懷

官衙寂々掩重門草色萋々沒履痕半世功名增白髮
一燈風雨對黃昏石城寒鴈驚愁思鄉國雲山入夢
寬惆悵舊游千里隔此時心事共誰論

錢偃師名綱字孝常號樂間
由監生任偃師知縣

蘇子遊赤壁

載酒來遊赤壁磯月明烏鵲夜南飛披圖遙想人何在
山水依然澹夕暉

秦太守

名旭字景暘號脩敬以子夔貴累封武昌知府所著有脩敬集成化壬寅與士友結

李舜明携酒徐氏園賦此記事

青陽撤人去朱夏修已臨流光一彈指頃刻成古今
壯與榮併去老為病所尋感此節物變有酒恒自斟
昨日野翁堂今日高士林展席臨清池池水清且深
俯觀池中魚仰察空裏禽徘徊引領間天趣會我心
高風慕箕穎秀句凌高岑卽此是真樂胡為重南金

辟纁伴讀為潘繼芳題

母績手中麻子讀燈下書綺疏風冷々母子同勤劬

母心匪不勞望子成大儒勉焉各努力以盡一日餘
憶昔良人存視子如掌珠夫先溘朝露所托良在子
愁長恨絲短淚花洒衣裾子今功業成經訓為畜畜
蔚然富文采秋波艷芙蓉巍阿母功豈與山岳殊
斑衣映春酒此樂為何如

贈趙揮使良伯

關中無計活焦枯詔許輸金給虎符 聖主從權非
售爵書生應詔亦忘軀屯田勲業遙思漢去國功名
近在蘇莫謂官閒不任事只今邊將用文儒

寄盛都憲時望

在々賢聲徹九重能官原不限卑崇經邦伊呂休前
輩作郡龔黃亦下風談笑未遑空漠北撫巡先欲了
山東江南病草知多少擬借先生化育功

送信之姪同知嵩明

吾兒作郡西江去汝亦滇南萬里行骨肉此時分兩
處弟兄他日表雙清黔中民物新沾化吳下文章舊
著名留得竹林痴叔在明年側耳聽佳聲

莫文懋別墅

東臯結屋老秋煙壯氣都忘寶劍篇臘月賸栽栖鳳
竹春風還葺種瓜田郎君早晚收科第賓客尋常泛

酒船更起雲樓高百尺清宵容我大牀眠

楊都憲璿輓章

九重深處墮台星共惜臺端失老成馬革裹尸全大節虎頭食肉竟虛名荆襄祠廟留遺愛伊洛風波送哭聲今日宜聞堂下路泣來偏感故人情

輓莫善誠母周孺人

歛跡閨門限不過春風花草任教多柔融夫子銷剛道勤篤郎君志甲科睦族有恩垂今德哭姑無度致沉痾綠蕉窗下青銅鏡孤鳳栖之可奈何

范止菴

名穆字緝熙號止菴所著有土龍吟藁

題莫雲樓松月雙清圖

枝頭皓魄夜深懸老翠模糊半濕煙疑是龍潛滄海底水晶宮裏抱珠眠

余默菴

名序字民序號默菴

吳城懷古

夕易孤棹泊吳城一覽荒臺萬古情嘗膽計成忠諫死捧心人進伯圖傾山臨越境含羞色潮到胥門作怒聲試問白頭漁釣者五湖煙水有誰爭

張節推

名九方字應舉號月林景泰庚午貢士任汝寧府推官所著有天慵集

朱叔昂水仙

水晶宮中春晝永玉肌薄映冰綃冷翠翹半脫雲髻
偏睡眼夢滕猶未醒起携素手踏春陽襪羅輕印苔
花香微誠欲托鄭交甫落日躊躇空斷腸

楊妃晝睡圖

華清宮闕無炎燠阿環嬌卧黃金屋紫簟涼鋪八尺
冰翠被香籠一團玉繡簾高捲白晝閑香魂飛入鴻
蒙間風塵未暗馬嵬道踪跡先繞峨眉山朱唇縫裂
櫻桃穎碧眼胡兒已窺破鳳凰釵墜驪烏雲鴛鴦枕
敲凝碧唾睡中羅襪幾屈伸等閒蹴起漁陽塵侍兒
久立殊困倦欲去尚恐三郎嗔邯鄲不待黃糧熟空

門突入嚼花鹿燥吻空思荔子漿饒涎已噉雞頭肉
延秋門上烏亂啼長安城闕煙塵迷鼓鼙驚破陽臺
夢雪膚花貌歸黃泥星移物換逾千載豔骨于今果
安在從來尤物覆家邦對畫題詩增感慨

題莫雲樓煙水吟蓬

莫翁飄逸神僊流蘭舟日弄南湖秋翻雲覆雨市交
絕口不肯道莫逆只許飛來飛去數點沙邊鷗一年
在建業春早柳條堪綰結柁樓釀酒呼長風浪花洒
船飛急雪中天王氣結祥雲虎踞龍蟠景奇絕一年
往洞庭黑風吹浪魚龍腥手援長笛倩取黃髮老諸

天諸樂曲聲吹裂君山青一年遊赤壁重訪奸雄覓
陳迹油蘆火滅已無蹤老鶴橫空秋水碧一年泊九
江匡廬墨翠窺蓬凶香爐瀑布豁吟目曾中詩料岬
律何由降一年艤三峽灩澦雷轟浪團白大江東下
急於絃萬里朝宗接溟渤一年到南徐長年鼓柁歌
吳歛金焦二山列圖畫海門推出旭日平鋪金色世
界涵浮屠一年住樊口漢陽佳處停橈久豪吟踏翻
鸚鵡洲武昌江水濃於酒邇年弭棹歸梁溪梅花開
遍龍山西獨行重覓釣遊處雲松陰裏尚有當年題
從此清遊隨所適賦詩獵酒無虛日舟人漁子往

偶見認未真疑是當年誤入桃源迷路客翁兮翁兮
自是人中龍何苦汨沒風塵中曷不置身物外事蕭
散蘭橈桂楫載取金釵十二隨西東東南最有山水
儘佳處一篷煙水卒歲足以長從容我當與爾五湖
喚回鷓夷子笠澤招來張子同挂帆碧海上快意乘
長風開頭捩柁剪破萬里浪飛渡弱水直入蓬萊宮

懷莫善禮

高樓遠市闌深戶靜常關稅地多栽竹敲詩只對山
藥欄紅日暖柳港白雲閒苔徑稀人跡惟容鶴往還
宜遠樓元夕遇雨次陳嘉謀韻

書樓錦繡簇圍屏小酌元宵共聚情香逐微風來別
院更隨急雨出重城群兒已絕嬉遊念比屋渾無笑
語聲驀地推窗微見月胸中磊塊一時平
同上高樓玩錦屏忽聞風雨阻歡情金蓮已滅常春
域綉轂難馳不夜城雲影黑遮簾幙影溜聲響奪管
絃聲倚欄欲把桓彝笛吹落梅花散不平

楊都憲

名璿字叔璣號宜開正統己未進士歷官
戶部侍郎都察院右副都御史所著有宜

間集行
于世

送陳朝用進士

南國有佳士早遊翰墨場素心洞千古壯氣凌八荒

被服錦繡段斟酌沆瀣漿筆花動霞彩落紙成文章
天人奏三策一衢已騫翔平輿繼風範南靖增輝光
顧我溫如玉之良悅康人生真奈何嘉會不可常
天秋豁遠目鴈群相將雖呼復應流韻飄風長
感物念同志執手起徬徨親昵有足樂乖違悲未央
願子留斯須再為盡一觴一觴情豈已聊復喻中腸
明朝千里隔何以慰相望勗哉善官守榮名耀無疆
公安舟中有懷戶侍黃廷獻時公使川蜀
黜陟群吏
雙丸迭爭飛六氣不停運一別忽兩月胷中多鄙吝
惟君天下士直道不俗殉宦况千里佳德行四國順

輜車走郡縣片檄制方鎮平生號知人旌別崇古訓
驪珠手中捫魚目未教混螟螣與蝨賊搜抉無逃遁
諒惟意有在去疾莫如盡悲哉塵世間百歲等一瞬
為善彼何遲而使斯民困安得諸道使去取同公論
此輩盡有北牧養皆賢俊落日滿芳洲蘋花香作陣
晚景江上清新涼雨餘嫩小立向船頭雪嶺極天峻
願因黃鵠西嚙我相思信

題陳天澤所藏夏太常竹

老幹撐空秋挺，露華濕透清光冷蒼梧雲遠鳳無
聲湘水月高龍有影誰言空洞中無物肩負天風

披拂君不見當年嶰谷玉一枝試吹六合皆春熙

輓李桓仲

不見丘園起孝廉白頭蹤跡竟長淹菊香醉裏秋三
徑草色吟邊雨一簾落日山陽聞弄笛春風座上想
掀髯傷心多少門人淚洒向梁溪水欲添

與余民用潘時覲同遊惠山

前朝湛氏宅十載一經行境勝多題咏僧聞少送迎
松風禪榻淨花雨石牀平共飲山中水蕭然脫世情
荆州城樓與毛給事小酌

飛樓縹緲消吟魂影沉江水流無痕三湘風景塵兩

目千古雲山酒一尊紛爭割據嘆衰世奸雄豪俠俱
星奔寒帷具美瞻遠近陽城郡王清譽存君不見風
流江漢宛如故朱拱浮雲碧窗霧應識當年嚴與杜
為問賦詩誰獨步

早發公樂驛有懷秦景寅

春風一騎指遼西煙樹漁陽望欲迷想得幽人方睡
熟滿城花霧任鳴鷄

王蓬室

名政字伯鎮
號蓬室翁

暮春

一年清景漸爛珊花落東風滿地斑啼鳥也知春已

去綠楊枝上語綿蠻

題紫陽庵壁

高縮螺鬟聳翠峰飛崖泉落玉玲瓏白雲捲盡天如
水幾朶秀吐秋芙蓉道人藏脩結蘿屋當檐玉立千
竿竹恍疑此地非人間未信頻來許塵躅

陸竹石

名勉字懋成號
竹石翁善書畫

題秦氏南湖草堂

太湖南畔隱君家小柴門對白沙竹竈茶香浮玉
乳瓷缸酒熟趁梨花風軒淨掃開吟社水檻新添泊
釣槎我欲盡拈書籍賣結茅相伴老煙霞

卷七
默寫先君像

嚴親仙去渺無蹤
淚眼空瞻馬鬣封
一筆貌成今日像
十年重覩舊時容
足酬白晝閒邊想
宛似清宵夢裏逢
掛向高堂儼如在
清風千載振吾宗

錫山遺響卷之七

程